

四庫全書

集部

欽定四庫全書

集部

西河集卷一百

四十九至
五十二

詳校官編修臣曹城

助教臣常循覆勘

總校官庶吉士臣倉聖脉

校對官編修臣馬啟泰

謄錄監生臣徐騰

欽定四庫全書

西河集卷一百四十九

翰林院檢討毛奇齡撰

排律

金谷園花發懷古得春字

梓澤迴朝日花林發上春
誰為臨澗客思殺墮樓人長
阪迷紅藥連珠散綠蘋
霜條捎幔錦露蘂落車茵
讌飲追王詡風流想季倫
繁華餘艷影顧盼最傷神

堯曰金谷詩波

激連
珠揮

送龔舍人歸湖覲省

朝雨灑行車，春江送伯魚。
斑衣看外著，銀詔自中書。
勝里方迴轍，高堂正倚閭。
帔分清禁出，美上太官餘。
湖橘將花發，湘蘭帶露舒。
黃香江夏士，孝行有誰如。

寒食夜集施公就亭分得湖字同陳二上善高
四詠徐大崇倫麻二乾齡諸子

高譙同金谷，清宵啓玉壺。
錫盤存令節，榆火散平蕪。
對

酒傷春暮裁詩及夜徂賓閒交履烏宦達似江湖磬筦
沉官閣鞦韆記客途梨花留醉看莫聽樹頭烏

賦得秋日懸清光換韻

何堂曰換韻非題
中韻也他做此

帝顙司秋肅陽烏啓曙新三竿懸有象萬里淨無塵炤
壁融丹粉流波蕩水銀孤光迴暑氣涼影動蕭晨但得
清時馭金天一轉輪

大將軍西伐詩

萬里絕塵埃將軍天上來聲名驚外域節鉞授中台司

聞三軍命分符七校才熊旗收勅獠臂射輪臺日暗
刀如雪沙空鼓似雷巡山宵擊斗度隴畫銜枚戰急前
軍集行遲後命催霜高兵氣肅風落陣雲開紫塞秦城
遠黃河漢使迴西征看略馬定為取龍媒

宿東明寺十二韻

寶地棲靈異香臺枕翠微龍銜秋雨過客共暮雲歸一
鉢留殘篆雙松曳落暉蓮開太子座草長遠公扉秋老
蟲爭響烟寒鳥自飛塔前翻貝葉樹裏掛僧衣寺古鐘

鳴早林深人到稀
榻懸新筥簾燈暗
舊紗圍鐵杵時誰
舉金裝夜有輝
尋真思未冥入道
志多違潮湧來仙
梵
霜空得妙機可憐
漂泊久暫此一飯
依

梁園感懷

才子蕭條甚乘春
游大梁草青連日
暮不見舊賢王荒
甸傾朱榭長陂秀
綠楊天寒剛灑雪
人去幾經霜上館
開樽冷平臺射兔
涼諧文跨漆吏雅
賦待鄒陽汴水開
河淺鄆陵去路長
曜華宮首望何處
不蒼茫

寄大聲徽之桐音南士大敬憲臣代書

避地家千里懷人思百端鄉關春邈邈郡閣夜漫漫馬
走時依棧鴻飛敢漸磐貧交投趙勝曼語報任安却載
辭秦使操兵謝漢官舟車窮兩越書信斷三韓
謂塞外諸君
旅婦縫衣綻江漁解劍寒東亭悲聚散北斗望闌干海
濶從垂釣河清好伐檀授詞當尺素反覆道加餐

吳宮教美人戰試體旅悶效作

名將觀兵略賢王試女戎陰符先閫內秘計定宮中金

甲探衣紫凋旗捲汗紅攢眉羞畫戟錯步笑彎弓魚貫
看難列臬刑豈待終軍前娘子隊端賴霸圖雄

夜到真州

旅泊驚銷夏江行入早秋涼風吹甃社夜月上真州露
白沙俱淨潮來水自流燈檣圍翟賈酒市記秦郵瓜蔓
橫江步礬花映石頭女郎歸浣浦太子去書樓野鵲棲
前渡飛龍過此洲只憐亡楚客吹笛尚悠悠

登汴城即事

不作名王客徒深公子情烟花三月暮一上大梁城舊
苑樽盤合繁臺歌吹繁春隄紛繫馬午樹敲啼鶯世鮮
捐虞相時無救趙兵賓師淹孟子闕吏困侯生亭戍層
烟晚河沙壅地平九門新浩蕩四術故縱橫士女看都
雅金錢在市贏繁華追往事重與說東京

堯曰蕪周云
虞卿食邑于

虞非
氏也

謁嵩嶽

太室開天表崇丘奠土中主名高四域受秩比三公日

月環區宅陰陽割渾濛歌崧揚峻極望祀體昭融華蓋
標方嶺金壺啓上宮翕河承漢禪卜洛載周工別觀翔
修鶴層城倚大熊藏書憑玉女過澗過青童洞閉能圍
雪梯長恍御風羣山咸拱嶽萬歲自呼嵩棐弟封堯爵
芑羊採少翁浮丘閒駕羽子晉妙吹簫石酒龍精白嵒
花鳳首紅烟霏春渺渺水滴午滢滢虛壑涵深鑛空梁
拔斷虹天闕應再闢帝座儼相通險塞分河內靈祇屈
岱東神京懷舊服終古賴攸同

廬山

嶺嶂東崑勝蒼茫南斗間倒傾彭蠡浪雄出豫章山駭
谷驚難度奇峰秀莫攀星光流電閣日影上天關石鏡
懸孤照屏風疊九鐶蓮花開社白杏子墜林殷雁陣迷
遙渚鵬垂暗大窠分流遮七澤越嶺控諸蠻雙闕游來
迴三宮望去閒陶潛真遊客匡氏本仙班赤豹司金鎖
青猿獻玉環危梁跨兀兀飛瀑下潺潺剝轉金輪扇
封錦石斑清颺迴一氣散岫簇雙鬟吳楚區分大乾坤

到處艱幽棲能託跡應見白雲還

懋華嚴寺後院

既入三摩地還尋不二禪長林分化域高閣會諸天
櫳成香徑松門倚翠田龜趺留篆小龍女抱花妍紅網
穿殘日黃金布昔年臺端翻覺藏湖外恍迷川龕石瘞
唐祖廬峰景晉賢無心常擊磬得語自忘筌衣敝猶懷
寶盤空不施錢開垣看綠樹赤地長紅蓮南郡饒新刹
西林續舊緣晚鐘相繼起歸路夕陽邊

戢山寺

東晉千秋宅吾嘗思右軍南朝四百寺汝以奉龍君灑
墨飛花雨清談起佛雲名門成雁塔道士戀鷲羣白社
前賢散烏衣隔巷曛此山嘗採戢歌苦不堪聞

南鎮

古鎮封東越名山表會稽周官頒令冊夏禹錫元圭丹
殿憑崑迥紅牆入路低天關懸畫額地勢控雕題代遠
圖書杳雲深竹箭迷春還尋秘蹟長望草萋萋

黃甫及鴻臚書院前竹

修竹映虛堂菁蔥入座涼
筍多緣砌隙枝曲避檐長
日影移紅慢風梢出畫牆
連苞如洗露剝粉類彫霜
近榻繙書靜穿林度酒香
徵歌宜夜色高嘯動秋光
葉寒藏鳩雀花開待鳳凰
由來江夏郡清絕勝瀟湘

憲臣招飲曙寅園萬李樹下

萬李白皚皚雙樽啓白醅
地從瑤海入人似雪園來
樹密盤根遠花繁帶葉開
彌天遮作慢點地便成堆
綺勝

隋堤絮光浮庾嶺梅霧深剛五里風舞必千迴過鶴憎
裙黑拖鷗愧色灰坐迷雲母榻持晃水晶栴觸席傾烟
粉沾茵襯土苔日明斜欲炫暮色緩堪猜衣晚添綿著
賓稀待月陪香隨銀甕倒影共玉山顏漢將綠蹊集王
公棄道栽華林能夜宴應見謫仙才

紀使君生日

良牧驅熊旆仙郎授虎符
檐帷塞上郡竹馬候當塗
星厯迴珠斗春冰飲鑑湖
百城尊巨守八邑啓鴻圖
假節

平戎莽揮錢減權酌豐年饒比屋佳日洗行厨介壽幽
公酒傳籌玉女壺庭鸞翔獸檻車鳳綴魚珠家擅千秋
雋仙留九節蒲搗將生甫誦聊用當歌呼

贈何仍炎舉秀才入軍

玉靶角弓弦終童正妙年一人安用敵萬里竟爭先投
筆驅戎莽披圖識陣田風號雙躍劍雲滿五花韜用世
書生貴趨庭孺子賢茂才因國舉

燦曰晉書
逸少國舉

驃騎是家

傳朝氣能懷組秋期早著鞭蓮花開處舞楊葉望中穿

秀士思稽穆從軍憶仲宣他時隨定遠攜我記燕然

二

少年懷大志慷慨事橫行弱冠羞垂帶乘時願請纓
鳳雛分片羽驥子起長鳴納履聞三畧傳經諳五兵
張良如好女杜預本諸生淬劍流波動彎弧睡石驚樽前飛
足練花下解重英矍相曾觀射輪臺早勒名贈鞭豪士
氣貽珮故人情率土非忘戰遙天尚輟耕烏衣兒輩在
此去定專征

殘月如新月試體

仄景連晨發幽光類夜闌
女驚粧罷拜人似醉歸看雞
唱重栖時鳥飛尚繞竿升階
宵讀永出渚曙吟寒鉤曲
懸相比弦虛上轉難羈人無
早暮一樣凭闌干

賦得秋菊有佳色

有序

九日雲起閣各賦陶句其不得秋字從險也唐人試
是題有唱得佳字而承以花者豈誤佳為嘉與抑佳
嘉本同今不然與好學者稽焉

九日東籬菊三秋色自佳金英開葉屋玉露滴花堦細
碧攢幽幹圓黃掛采牌白衣慙把袖青女笑留釵味汎
龍山酒香盈彭澤懷今朝良燕會燦燦在高齋

宿玄妙觀書范道士榻

借宿上清家松壇日影斜白歸天際鶴紅掩洞門花羽
駕留雙節玄經貯五車春星排玉豆晚飯進胡麻海嶠
丹砂遠函關紫氣賒相逢仙室秘為我授瑤華

西山黃卷主下小尼師

十四小尼齡蓮花貯雀瓶衣裁柔眼綠眉掃佛頭青禮
懺蹲還立迎人進復停供盂盛苧績齋板斷葷腥身長
捺幡帶聲清憎閣鈴問家心憶姓無字口傳經荒碛迷
春草閒房閉曙星六時山磬響愁轉化王庭

曾退公貽西河詩曰東寺鐘鳴後西
山月上時比來嘗失笑為誦小尼詩

聞蟬

雨歇驟聞蟬南園欲暮天影藏青葉裏聲出綠楊顛羣
噪當殘日孤吟曳晚烟互聽疎復密接響斷還連韻促

從風急音遙帶露遷長鳴綠白縵暫咽下紅泉嘒嘒勻
如節調調沸欲煎侍中喧墮珥齊女嘆遺鈿隔唱頻相
應餘嘶靜自延烏銜拖喉去蟲網抱喑牽枵腹歌難繼
遺形語並傳秋山悲去國空賦螻蛄篇

贈東牟王宏昌

王子東牟士能吟西塞詩貧依漂母飯閒過楚王祠妙
技柯亭篠新書蠶白詞聯吟秋水暮把酒雪花時方國
推新譽天涯似故知同來覺汝倘別去繫人思芳甸抽

青草遙波汎白陂登樓繞賦罷不忍贈將離

河橋驛遇阿真詩

晚驛聽殘瑟停船問阿真十年深巷柳一夕異鄉人
櫓楫迎難定衫襟認轉親波流縈睇遠燈火炤愁新
石路滋紅草天河瀉紫辰雞鳴開榜去相望滿江春

元日登淮陰城樓眺望同黃大世貴劉二漢中
蔡二爾趾童大衍

首旦招同契乘城眺遠空淮流千里逝楚服八州雄
曲

磴搖星閣

城有魁星樓
在角樓左

層臺控帝宮
烟花明滅裏形勝

去來中萬瓦飛鱗脊
諸圻錯繡叢橫欄
虛隱霧高鐸響
迎風隔岸烽墩合
前樓戍鼓通天連
平楚白日射遠波
紅繞郭迴檣櫓翻
雲翳雁鴻丹牀憐
斗粟食邑重良弓
魯地原迤北吳闕
宛在東升垣誰屬
耳劃界笑重瞳栢
酒留時令椒盤驗
歲豐登臨能賦詠
端的藉羣公

經姑蘇作

舊苑長洲路依然
澤國東我來秋正好
看到館娃宮梧

葉經霜白蓮衣覆水紅帆開婁浦月舟赴洞庭風鶴市
憐吳女聿橋想伯通經年流浪意羞向綠波中

潤州橋懷古

落日南徐晚秋風北固遙連岡橫繞堞溟海漲通潮鐵
甕鈴三楚金陵界六朝江關吳后塹軍府晉時標謝眺
吟清句桓伊弄洞簫淒其河右子俯仰潤州橋

舟泛金華澱溪界至桐江道中

三年思故國二月下新都歌詠曹顏遠山川孫伯符錦

沙迴細浪繡嶺接平蕪地闢仙關險天標女宿孤
汨汨紆短棹涕淚迸修塗七里悲遷客雙臺訪釣徒
赤亭淹處少玄暢詠來無漂似縈溪殺傷如負土
烏青春隨境變白日與波徂那得留江郭終當蹈
海隅

重由南浦達湖至貴溪途中懷徽之涵之昌其
憲臣大聲大敬并山陰張五杉董三監商大
命說吳二卿禎姜十七廷梧姜大兆禎金二
鑿史大在朋呂四洪烈

南浦逢梅雨東行及麥秋
康郎來暴漲病客下孤舟
白浪粘紅油青天挂碧流
晴霞升似錦曉月墜如鉤
貫酒停津館鳴鈺度戍樓
前灘初上險舊地屢經愁
節近懸江艾村深見海榴
無家雙槩逝續命一絲留
採藥迷遙磧分瓜想故侯
羣傾蒲瓊熱定集竹林幽
河朔違光祿山陰隔子猷
連年同契濶終歲媿沉浮
伍相空憑弔三閭尚遠游
窮途鄰午日引領遍芳洲

飲陳石麟進士

名士推陳寔留賓識孟公良遊追洛社好酒瀉郢筒檻
外楓林白盤間柚子紅山雲歸漢北江月下巴東客思
迷前澗君才簡上宮相逢饒意氣不盡玉栝中

飲丘象升學士賦贈

籍甚瀛臺侶忻逢楚水陽清樽開晚露甲第啟朝陽良
燕同王粲豪游過杜良西園羅廣鳥東井汲寒漿伊昔
金閨秀曾跨翰苑郎起家由粉署幾葉授青箱玉字傳
書古珠崖使路長丹花尋翡翠紅酒醉枕榔嚴助還東

越王褒稅故鄉書成前席語金散橐中裝侍寢勞三問
隨行是五常名高枚氏里宅近廣陵王幸解陳遵轄
嘗披荀令香淮流千載興鐘鼓最難忘

同王侯服進士歸宿下城賦贈

結轡踰河水從君到黍丘村前分野醞馬上共乾餿問
道經睢口看山繞宿州風號開鹿鞞霜冷借貂裘歸國
勝王粲窮途惜馬周登龍酬昔願驚蟄起春愁紅甲花
將坼黃枝柳暗抽懸竿逢社首迎旆見莊頭連坂家相

比平橋路轉幽到門林日墜開閣晚雲留滿座來羣玉
盈盤接庶羞繩牀安別檻畫燭映重樓繁客煩芻求憐
予似水流繁臺思遠吹京洛想同遊地主羈難住天長
去未休臨歧繾綣意為我贈吳鉤

過禹州呈史廷桂使君

南渡元公裔西京國士雄分符來潁上領郡出天中芻

蒞韓王國屏高汴帝宮瞻君如岱北贈我自山東史曾令山

東有所十載音書濶三年夢寐通游梁追漢馬過關效童

鴻古署雲天碧平臺花樹紅客因公子重禮以孟軻隆
攬舊慚秦賈匡時識禹功采山人比玉加節虎垂銅
甸飛神爵芝圖負有熊弘才方入用廉吏豈終窮上秩
需黃霸徵車到郭公平津餽布被且與故人同

春暮飲湖西署同陳二舍人沈二徵君即席

春色壓江來招攜上署臺青峰雲外出紅藥雨中開過
燕迴書幔繁英簇酒栝遷筵如宛洛有客擬王裴望眼
鄉關暗驚心節序催相逢花滿樹不醉肯言回

李大司馬生日

上秩兼三事中臺重五兵文章呈象緯軍政在機衡業
以山河著人從海岱生鷹揚猶北峙虎拜即南行節鉞
縱橫見甌蠻次第平地看支半壁國倚作長城講幕閒
彌肅戎車過不驚蒼頭三舍捷赤手一天擎樞策煩中
制徵書返上京金輿新就駕銅柱舊來銘詩列申侯頌
鄉留羊祜城衣襦猶戴德草木盡知名何意楓階列仍
通部屋情如山驚乍愕于水見滄溟仙李承家遠綏桃

出洞明千秋安用祝史冊正增嶸

西河集卷一百四十九

欽定四庫全書

西河集卷一百五十

翰林院檢討毛奇齡撰

排律

同任明府赴張宏軒州守牡丹飲席和明府韻

潘令丹花宴裴家綠野堂春袍青似草午飯白于霜

是日

先飯後酒故云錦石遮修幔瑯倚靚粧叢多揚鳳彩苞淺露

蜂黃上客題雲錦佳人散國香

時有妓在坐

當筵愁易起惟

有醉為鄉

和待菴看牡丹南園原韻

別院移芳宴叢臺簇異葩樽傾若下酒人坐午橋花淺
暈含朝旭分紅鬪暮霞葉添官綬縷瓣翦妓衣紗翠幄
香偏遠硃竿影易斜醉來裁麗句誰得似任華

霍縉雲之官有贈

仙都新作宰蒼嶺遠之官桃樹分三隘蓮花折九盤縣
符星瀨急民力蔗塘寬地僻聯甌越山虛抱井幹驅鯨

頑自化種林課仍完妙令稱強項收人貴挈肝才名羞
短馭家世重長安郡本開嚴助人如望李繁王程方峻
切努力渡河干

平津宅九日

高館成良宴閒堂靜舉觴清秋逢九月佳節是重陽地
煖全開日天寒早降霜遙山楓葉紫對檻菊花黃菡萏
裁為幃茱萸結作囊登臨追峴首蕭灑過柴桑隔歲依
淮郡連年滯楚鄉芳亭懷內史戲馬憶前王返國鷹猶

擊還林父復張孫嵩留屋壁漁父掩壺漿詎意如茶苦
重聞漉酒香違時乘短景度難逐長房座整龍岡帽歌
迴江夏牀醉餘生感激只為戀平當

天寧寺

香刹倚岩堯瑠壇聳碧霄石龍環勝地鐵佛認前朝閣
岫憑欄豁江雲到座遙齋鐘縈野竹禪榻覆甘蕉榜復
先賢蹟門停過客鑣登臨懷未極春雨正瀟瀟

岫曰閣已

也

同諸公游豎相寺

出郭尋初地高原隱法堂
三車懸寶樹一徑入幽篁
竺閣圍龍象山門繫驢
驢天神長捧鏡佛獸自銜香
清淨

真名刹圓通古道場

唐咸通中更名圓通寺

江山連楚豫興廢歷

齊梁妙偈祛先劫殘碑誌
太康傳衣從善子豎相得空
王倚錫登金檻翻經到石牀
四禪留塔影八水動湖光
華蓋炊烟繞幡竿食鳥翔
籤投支遁室酒載遠公房
灌莽簾俱碧瞿曇面正黃
甘蔗高向日苦菜軟經霜萬象

成虛觀諸賢散上方孤鐘催晚色歸騎帶斜陽白霧穿
林迴青山夾路長何年捐世網重與載慈航

戲聯白傅題東武丘寺詩

有序

閉旅寺孤游一日如一歲寺僧童妙喜敏姿而效吟
傲初學八比法舉粘壁白居易題東武丘寺六韻回
互起對為上下偶雖稍訂童句故亦童粉本耳武丘
虎丘也

香刹看非遠

自呼
白句

靈丘到自遥

童
對

龍蟠松矯矯

童呼
白句

虎

去路蕭蕭

對自

怪石千僧坐

白句 自呼

寒峰七級搖

對童

海當亭

兩面

童呼 白句

池以劍圍腰

對自

酒熟憑花勸

白句 自呼

臺荒恨草

銷

童呼 對

寄言軒冕客

童呼 白句

勿忘此招邀

對自

二

化徑行還近

童起

祇園入始深

白句 自對

金生蓮片片

白起

玉立

竹森森

童對 白句

寶殿三車會

童起

靈池一劍沉

白句 自對

塔懸天

外目

白起

山在寺中心

童對 白句

講下呼龍聽

童起

詩成倩鳥吟

白對

慢尋蓬島去

白起

此地好抽簪

童對 白句

賦得宿烟含白露示旅寺童兒

湛湛籠烟滴霏霏墜露涵清光隨練合白影散珠含夜
氣蒙瀟瀟山滋夾彩嵐長林迷警鶴隔葉臥冰蠶望去
思原上行多畏召南朝陽旋欲起瑞鵲莫忘探

江樓望月分賦

試眺雲間月還登江上樓波光頻映壁簾捲似垂鈎暮
鵲當牕度寒星入浦流憑欄愁鏡破拂水見刀頭吹笛
關山道清歌胡渭州涼秋明永夜俯仰思悠悠

詠春雲聯句換韻

春至占天景雲開見物華自來從緱氏國行過楚王家

寺童移草如馳蓋紫花似障紗自浮車翻羽翼嘘蟄起蝦

蟆童日暖同烟散風輕帶雨斜自陽和方布氣輪困望

無涯童

送兩浙臬憲移任江南

聖代推司臬周官念準人東南稱要地觀訪重台臣外
輔承三獨中朝遣四巡豸庭江上啓驄馬路傍新夙衛

思羊祜雄藩借寇恂行郊曾露冕當道早埋輪遙海清
鯨鯨荒城剪棘榛四時分雨露八越淨烽塵玉節移廉
省金笳起畫麟九霄翔鳳肅十道使星神祖席搖青旆
迎舟轉白蘋舊時需似歲此際感如春下澤淪丹轂鴻
名動紫宸暇游如有興幸待武湖濱

邵守憲朱公行敝縣枉問并召舟集呈贈

良牧光天寵分藩澤國春內廷需侍史出使是王臣舊
德傳東海華文挾北辰蹇惟行邵縣憑軾渡江津方岳

三丘麗陽和一道新里先徐樺訪人喜賈琮巡隔巷迎
干木同舟並角巾遙來珪璧映那棄薜蘿紉牛鼎仁人
粟鯨紋上客茵自憐長附驥不敢避懸鶉

奉送張方伯遷少司空赴都

蕃服三年最台司八座雄句宣勞牧伯綱紀賴共工民
賦東南重王居中外崇蕭何停轉餉神禹作司空夏土
遷屏翰冬官宅會同南行留召父北部返毛公時轉蒼
龍宿身歸玄武宮督郵需驛傳賓從滿艤舫車騎臨江

游旌旗閃道中離筵人似雨別賦氣如虹
廷翹卷阿鳳家懷中澤鴻尚書元凱績宰相李筠功績脫犀擊綠工
裁雉尾紅願從舟楫便早為濟江東

上浙撫軍壽

至德生乘運元功體應辰司麾谷北護把鉞授南巡要
地兼吳越名都壓海閩殿邦需大使開府重親臣召虎
分藩遠岑彭建節新廟中方制筴閩外暫推輪妙術安
江甸真心與浙人股肱來岳牧嘯詠淨峰塵戟壽縣行營

簡戈船下瀨神六幢齊引玉雙鬢尚無銀上齒期師望
中原藉寇恂願言隨獻醴長得似茲晨

入塞曲

為陳左
軍作

薊北新班旅關東早陷圍秦城金鑰啓漢將玉門歸龍
旆朝雲捲狼山秋草腓沙塵埋馮勒風雪滿戎衣左顧
遮鵬落前行指雁飛開疆舊地濶返道故人稀全節還
平樂論功拜武威普天饒戰事暇日定邊機西塞呼鷹
疾南山射兔肥封侯知不遠相與俟春暉

宮中樂詞

璿臺興悅豫，瑯輦起巡游。
粉黛三千女，金銀十二樓。
秦封增式廓，漢主富春秋。
西海張波幔，南山轉霧旂。
銅烏棲殿楠，玉樹夾宮溝。
爪士嚴鸞衛，神仙指鳳洲。
諸王隆慶第，方士樂通侯。
甲館排瑤帳，靈池集翠舟。
殿前新射覆，花裏舊藏鉤。
五柞紛馳獵，三郎醉打球。
舞裙雙帶子，歌曲六幺頭。
監御傳供奉，才人換點留。
射生懸虎韞，宣賜出雞裘。
宸興隨時發，皇恩浹露流。
昭陽同進幸，團扇

莫辭秋

吳調昭君詞

詔遣良家子更衣自下朝
征行威塞域寵禮賚宮僚
關吏開邊驛單于叩渭橋
甘泉花滿樹灞曲柳垂條
玉輦看辭豹金鈿勅賜貂
寒塘遮鬢薄去馬抱鞍嬌
沙裏隨鳴雁雲中逐射鵰
臙脂顏色改烽火黛烟銷
北度踰甌脫南看負斗杓
星稀通夕落草短及春燒
首偕宮名遠葡萄帳影遙
愁逾當日倚形減舊時標
上舞三朝奏閒

絃七曲調吳聲纔一弄雙淚落漣漣

河亭妓席有贈得遲字

柳氏茱萸女王家菡萏池秋星迷渚鵲夜色動河麋叢
鬢撩雲幔雙瞳瀉酒卮鈿銜山竹葉裙裘石榴皮善舞
勝謔姐能歌似雪兒桐絲牽腕帶笛孔拭脣脂屏短眠
難穩杯深飲較遲花欄偷照鏡尊鼎醉翻匙五斗聞薊
澤千條爛燭枝玉釵明似雪知掛阿誰綾

雪

朔氣銷寒日同雲合暮天亂鴉鳴集樹野牧凍歸田村
旆搖風急簷絲有霰先梁園方作賦郢下擬調絃枯柳
驚飄絮遙山儼帶烟林虛低舞蝶衣冷細裝綿點地融
還濕飛空斷復牽撒鹽時密密泱水故濺濺閣敞填鏤
瓦牕高綴綺錢映奩憎粉潔貼鬢助花妍崑玉為品秀
齊紈布土鮮不愆常歲月頓改舊山川放眼增遐曠渾
身似洗前清光舒短晝結溜挂長檉枝弱鳩巢折塗荒
馬跡穿層柯交愈晰棄笠覆終圓壁削時傾糝篷摧屢

扣舷平沙疑炤蠟
遠塞且吞氈候近青雲
呂歌傳黃竹
篇愁吹關隴
笛思泛剡溪
船好景懷童齒
長貧願瑞年
酒傾三雅外
表敵數冬前
望隰欽劉繪
登臺愧惠連
蕭條窮巷裏
誰與共高眠

奉祝馳黃尊大人生日

杖國諸宗父
閒居百歲翁
教兒聞海內
垂老避牆東
江橘承筐碧
園花插鬢紅
倒探金簡字
時憩玉津宮
至德師鍾皓
祁年重鬻熊
崧高原有誦
長此播清風

登宣城徐司寇山樓眺望

同張荀仲施次仲
梅古愚三先生作

傑閣成高眺名園接勝遊
天低宛水暮風落敬亭秋
丹嶂橫欄聳青溪繞郭流
雙橋飛練合萬井亂烟浮
翠竹迷南澗寒花映北樓
玉臺徐氏業高郡謝公州
洞壑棲雲志鄉關落日愁
登臨傷極目揮涕滿滄洲

奉贈來十五集之給事

東省推司諫西垣重議郎
攀龍歸舊服鳴鳳起朝陽
獻納開青瑣艱難引皂囊
船軍規武事帳殿坐文昌
赤墀

淪官渡丹函反帝閭角中申浦楫故第午橋莊好遊祠
黃石尋真爍紫房秋蘭遺楚士暮雨詠吳娘張湛辭朝
馬陳登對客床談經隋五庫作隸漢三倉焚草壚皆白
懸冠鬢未蒼傳家踰七郭有子邁諸王庭煖花絲細門
高柳線長屢從看鑑錄長得近衣香

徐徵士初度之作

陶令嘆歸去正當五十時偉長今著論又歷九秋思繞
室栽叢桂登山賦紫芝干雲開意氣烈日焔鬚眉久擅

南州譽蓋傳左衛詞百年纔得半努力紹前期

贈汾州董司馬六十初度

授節膺南服驅車轉介州百年方外辟六十薛城侯岸
幘開金鎖移床泛玉舟刀傳王覽佩琴向子牙求渭慕
緋魚曉汾關白雁秋蘆花生九月三節為公留

吳二太保初度

中府推三事南司近九重青宮環衛虎黃錡護真龍

按

錡禁旅戰門也一本作綺

神策留丹禁天兵罷紫墉金魚垂野葛繡

被臥山松甲第連雲遠雕盤拂露濃秋堂懸桂子朝日
艷芙蓉石匱經辰啓金書異代封鴻文貽顯嗣開烈肇
神宗門映三千履歌傳十二鐘弟兄齊列戟少小獨追
鋒負氣卑田叔前籌過耿恭違時嘗砧塊杖國正從容
小鳳庭前下名花谷口逢百城圖畫裏長對舊鑪峰

施公視學山左歸過湖上有寄

三物開齊地雙旌返敬亭
迎恩需北闕假沐過西泠
歲序逾人日春船載使星
鵬來雲路碧龍到海潮
青城郭

連蕭寺樓臺出晚汀水邊聞錦瑟花裏集朱軒擬過黃
金利同傾白玉瓶高天迴馬首小雨阻鴉翎望眼遮羣
岫傳心有六經幾時從泰岱為爾賦滄溟

同南士訪愚山寺寓作

為訪施夫子因尋古戒壇高雲橫海上新水漲湖干把
袂風塵苦登樓雨氣寒五經游自載雙鬢醉還看佛寓
分龍藏人逢盡鷗冠題詩抽玉簡剔燭換銅槃暮鵲驚
喧客春鶯待使官只愁明夜月相憶在長安

奉和姜太翁虞部東池別業原韻

金谷分花磧殊亭下水關空簾啼鳥靜曲渚散鷗閒朝
日穿林迴春雲繞座還環橋牽紫幕倚檻見青山綠野
行吟外蒼生想望間幸逢開閣便及爾一躋攀

次揚州八韻

八月隋堤柳三秋揚子波南朝曾作鎮大業舊開河螢
苑銷花草瓊臺尚綺羅雷塘宮北舞水調竹西歌高旆
京漕粟長船蜀估醪重闔如合璧交埭勝連珂京口雲

生晚淮南木落多蕪城吾有賦騁望意如何

渡瓜洲次宿明到高郵將達淮先呈朱禹錫明

府

北涉蕪城路前逾瓜步州晚雲移古驛朝日到高郵湖
鶴翔烟淼風鱗蹙浪流楛榆村埂濶秔稻水鄉浮露重
沾牕幔烽多閒戍樓撈魚童子留賣藕女郎舟蓮渚翻
黃梗蘆花辨白頭勞歌增客思土語亂方愁茂宰安淮
服神君動楚謳橫琴鳴素節深閣臥高秋地以蠟珠重

人因桂樹留登臺林下友乞食漢時候余亦千秋士來
從八子遊涼飈衰柳內誰識過邗溝

送淮安俞使君陞禮部赴都

淮水開鐘鼓河橋解驩驩五年司讞吏四十客曹郎綬
映林花綵詞成山桂黃仙門將受玉官邸早含香驛騎
搖旌旆湖民餞鯉魴客途無所贈相送在朝陽

閻園雅集贈劉昌言進士二十韻

八月正良辰閻園集上賓平臺張翠幙阿閣展朱茵過

楚隨狂客依劉作主人
敦盤貽好遠几席見情親
踏徑通崑細憑欄摘樹
新星枰沙嵌玉花
熬水流銀作伎飄
華瑄圍棋俯角中西
坨銷陌柳南汧響風
筠度曲紫三疊飛觴
轉數巡孝標思疊疊
公幹語恂恂促座聯
瑤壁趨庭賦鳳麟
二今嗣皆孝廉有名
名材跨二陸下食驗
諸荀石甕開重釀
晶盤貯五辛
烹將飴作澳
炙以蠟為薪
鼎熟寧濡指
羹翻恐滅脣
擊鮮如陸賈
投轄過陳遵
絳燭環瓊砌
青油却畫輪
銅籤驚短漏
繡被笑平津
啟讌曹公子

裁詩石季倫顏然徒醉倒只有一毛姓

陳虹縣席上作

陳海士先生以別業延客

甲館重筵客高門駟馬來幽欄花影動叢樹桂枝開楚
甸聯豪客淮南集賦才熊羹浮鼎鼐蟻跡滿樽罍籥舞
屏鏗轉歌翻燭樹迴月華移別席露氣釀新醅仲舉三
宗譽元龍百尺材鳳城搖彩筆虹縣有琴臺暫把中林
臂長留北海杯通家延李郭外苑盡鄒枚銀漢縈中夜
黃星映上台主賓歡既醉吾欲咏臺萊

謁于廬陵作

既攬名山勝重聞茂宰賢文章行海內花樹滿庭前江
雨長隨轂山雲自拂絃孟嘉從事日劉竺入官年縣譜
方垂楚家聲本在燕傳經踰魯郡獻賦重甘泉綵筆雄
千古高門啓再傳分毛跨鳳沼飛鳥繞螺川荒郭皆留
芟他鄉願受屢每懸孺子榻喜泊越人船水落烹魚釜
霜粘釀秫田西遊雖浪蕩東道借遷延劍合交為氣砂
成令是仙柴車真趙壹懷刺豈無緣

登取亭 井序

沂贛江揚帆到廬陵城下有亭翼然亭下瀏水泠泠
施使君碣云前二年使君酌泉而亭之是之取爾乃
名取又據酈元水經注贛水經石陽有金井水廬陵
晉石陽也俗名金牛泉井牛形謠耳或云有仙人騎
牛渡水謬矣乃亭瞰螺川川畔白鷺洲橫亭勝處妙
矣予登亭慨然念使君因為賦詩

落日秋風裏悠然登此亭到來雙澗白看去萬峰青粉

蝶環高嶂香山映翠屏
章流方浩蕩金井故清泠
引興迴江郭探奇問水經
千秋從倚檻薄暮喜揚舲
野寺橫天起寒花帶露零
騎牛知渺漫采藻想淵渟
枉渚浮螺子芳洲濯鷺翎
此中攜不盡因見使君馨

揚園聯句

有序

毛姓與淮南名士作晨夕游臘月游揚園亭臺雅勝
友朋好合因請聯句環相限韻頃刻而成

策杖尋幽壑攜尊渡野塘

張初稗

堤開楊柳幙徑轉薜蘿

牆周麟良會追金澗名園是辟疆姓步方通草閣香已拆

梅房劉漢中合屐迴山徑抽琴到石牀童行懸崖留墜雪枯

樹落寒霜戴金瀨淺魚全伏天空雁自翔黃世貴平臺虛掩

慢曲閣靜飛觴施有光對酒耽思僻看山引興長蔡爾趾邀

心通埤垵高韻起蒼筤世貴飲勝杯浮羽歌豪曲遶梁金

開欄調野鶴汲水煮河魴衍峰轉流雲碧亭銜落日黃

禕初歸人爭晚渡夕鳥下斜陽爾趾客藉應劉美詞凌鮑謝

香有光閒堂分履烏暝吹起笙簧麟一水橫烟鎖千村帶

霧藏

漢中

驪駒方待駕明月早相望

牲

旅主人好射每邀觀飲以舒孤悶因吟為贈

四海媿懸弧閒看校綠蕪銀翎拖筦笛金鏃綴蒺藜暗
響星流急紅標日暈孤專瑚河朔將穿幃子南夫偶發
皆停鵠單棲莫射烏平郊還燕飲何必繼投壺

奉贈嚴都諫賢母江孺人壽

華閤多賢母黃門善養親曾參真令子嚴助本親臣夏
日丹花茂朝霞綵袖新麟孫東壁顯鳳誥北堂春仙女

餘杭酒嘉賓丞相茵張筵懸錦悅千載重茲辰

孟曰時方始在

弘文院故有東壁句

贈夏丞

才子方趨府仙郎舊請纓家聯梅福市人在白公城綠
草當廳長青雲拂綬生客投金錯麗官比玉壺清遙海
推龍臥空壇聽烏鳴潁陽春色轉同有故鄉情

題汝南郡西堂牡丹

官閣分朱檻名花長綠叢深房含曉露修幹怯春風薄

粉勻綿白輕衫疊
紅苞藏金瑣肩
辨剪玉玲瓏簇葉
同雲護留香待日
融重英欵宿蝶曲
蒂小懸蟲傾國來
宮裏姚家擅洛中
自傷流漫甚不敢
近墻東

寄贈姜京兆一首

首善稱三輔
雄圖啟八垓
須知天府重
應借月卿來
地轉高丘黍
庭安夾道槐
訟田留傳舍
走馬過章臺
主爵分中尉
清都接上台
張王如可繼
賴汝救時才

聯續元稹詩三十韻一首

并序

汝南蔣亭閱唐元稹會真詩深鄙其事并笑樊川所
續不足因謂元稹非續詩也即其詩耳杜則真貂之
末矣擬晚食外重戲續之會張杉尋予蔣亭與金公
子敬敷共留倡偶故知所偶必愈不足私慶生平既
無此事而古人遭逢乃不幸偶類于是可以為恨或
曰其友人有索為之者云

夜色隱虛櫳

杉

春星度遠空人搖牆外杏

姓

燭畫水中

龍暗理雙纏錦

敬

敷曾挑百尺桐長顰拋鏡壓

姓

小語隔

屏風擷珮思公子衫裁詩付伎童柿奩香襲襲姓花路

影濛濛鸚鵡窺金鎖衫鴛鴦繡綺襯慵粧疑宿蝶姓拾

帶儼垂虹欲度迷蕭寺衫相期在上宮似曾邀代北敬

原未嫁湘東翠鈿殷勤卸姓瑤環宛轉通愁聞金釧落

衫嬌藉錦衾蒙皓月穿丹楹姓香雲散綠叢橫波流枕

纈衫微火住薰籠怯甚衣頻攬敬啼時粉自融馨含江

芷姓細蕊折露桃豐靚飾方留臂衫朱欄宛在躬河流

猶灑激姓曙影漸籠蔥桂樹停輪久敬蓮花下漏窮窗

鷄號不斷

姓

園繭緒難終何計酬良會

杉

無言是隱衷

褰回簾額淺

姓

結去縷心同寶篆消寒獸

杉

明螺觸暗

蟲高唐風乍霽

姓

遙海日初曛帝女還湘浦

杉

靈妃返

岱嵩庭梅銜履碧

姓

溝水墮脂紅淚滴徒滋草

杉

腸迴

似轉蓬填橋思渡鵲

姓

別曲有離鴻夢斷知難續

敬

敷波

長豈易冲綿綿千載恨

杉

長在此宵中

姓

單學博七十有贈

至德標荀里高名著鄭鄉徵車花滿路書帶草垂堂鳩

女安瑀杖蛇魚象繡裳諸生虛李謚有子對陳亢七十
稱中壽三公憲上庠自今耆舊傳不獨在襄陽

來母孫太君初度

南牖朱鶉啟西王綵鳳飛母儀傳錦悅官誥出金扉篋
理樞臣疏庭披柱史衣八龍皆令子七誠踵賢妃叢樹
羅青桂新枝擷紫薇其孫膺秋薦李
子新受舍人忝隨榆舞後稱祝

敢言違

沈九秘書典試江南于撤闈日邀予過叙率爾

有贈

聖主求賢詔名都選士場人間朱雀里天上紫薇郎盛
事追嘉祐高文領建康方山占地氣斗野辨星芒棘舍
軍旌赤風簾官燭黃鑱成監試局判就至公堂置酒揚
家第栽花陸氏莊先茅酬白季上駟賴孫陽獨是淹蓬
舉曾經共板床多年忘撤幕無計誦阿房孰意裴君舊
能憐劉子狂樽前疑夢寐宦後惜參商是地逢龍躍彌
天看鳳翔後車涼日度別幕錦雲張綵筆披南國朱衣

應帝鄉暫將邀笛處私挹令公香

重過任四辰旦書館因憶王十六先吉韓十七

日昌並于此館同受書家兄門下今三君皆

先後通籍而予獨羈遲于此徘徊睹觀遂有

斯詠

楊子居猶在黃公壚已非故人通籍久游子到家稀幾
度移書幌重來訪釣磯花前低置榻竹裏暗藏扉綠水
圍丹竈青苔繡石畿時乘爭獻策夜讀記添衣北面師

盧植東頭坐陸機回看著書處唯有暮雲飛

黃母生日

山鳥飛烏鵲河魚躍鯉魴中閨生左妹有婦比周姜擷
佩湘東碧從夫江夏黃起家膺隼羽入陛擊貂璫黨錮
成王國靈均返帝閭

黃忠端公
死璫難

覆巢餘破壘漆室置懿

筐窺壁知名士張帷助小郎最憐懸悅節猶得傍端陽

西河集卷一百五十

欽定四庫全書

西河集卷一百五十一

翰林院檢討毛奇齡撰

排律

從大江口將入石頭作并寄金二公子敬敷

北瀆新軍府南維古帝鄉
波濤連楚越形勝在齊梁
紅寺浮江濶青山出岸長
磯搖飛燕子風便逐龍驤
鈺鼓來吳會宮臺入建康
曉雲生海谷秋雨過帆檣
吹笛邀

桓叔揮兵想顧郎石頭方在望對此轉芒芒

汝南金太守席書事一十二韻不揣下里同座

上諸公和得東字

別幕連雲起高軒傍晚通樽開官舍北客至日華東飲
勝追河朔游歡過鄴宮凋欄翻藥紫甃并墜榴紅葵煖
烹鳧汁漿寒激馬醺行厨藏竹裏置席在花中几潤衣
沾露槃敲燭有風翰林清作聖太守醉為翁弦下開新
照象成得故雄

時曹學士博
投得六緋

興能追庾亮序已讓王融

擇木飛宵鵲談冰愧夏蟲
當筵無好句空道和儀同

贈曹爾堪學士

鄴下曾傳賦淮西始御車
視餘金殿草載滿玉除書
過日看華省浮雲蔽直廬
夜郎流李白茂苑病相如
慢世悲持戟隨時避接輿
東堂猶喚鵲北海定遷魚
紅藥吟真好黃童記不虛

學士強記一過終身不忘

如何相對晚此地詠如

蘆

奉送張使君之任和韻

皂蓋江城守青衫水部郎手攜工市劍腰有會稽章旌
遠翻逾赤堂高望正黃蠻鄉需教化漢制重循良馬竹
遮秋嶺鞭蒲出晚塘使君千騎去從此向東方

呈郡司馬孫使君

才子生虞阜郎官使越州家垂吳地志名在晉陽秋岸
憤為司馬操刀佐解牛高牙分建隼廣路待鳴騶綵筆
題江館青山映郡樓辟來書笛第詔下賜緹油宦蹟先
甌末鄉思近石頭治中雙驥足身外一狐裘鳳德原卑

攬魚珠豈暗投避讒違衆女遊說及諸侯就道時觀海
還鄰暫首丘孫陽纔一顧何以慰驂騑

過訪無錫縣吳興祚明府有作時已遷行人將

次赴都

上宰當初試延陵第幾傳起家由北海劇邑近南天人
地踰彭澤君才過潁川銅章新長吏綺里舊神仙客履
懸珠日軍儲散錫年種花官道裏流水縣門前吳女爭
桑訟參軍賣蔡眠校開通市塾稅起傍湖田碧烏長街

綬青蒲好製鞭鄉亭方執板廳事早揮絃徐穉南州榻
袁生下渚船宴修單父鱸俸割沈郎錢天子神為眷行
人命稍遷題名金柱右典謁玉堦邊求友曾遺紵懷君
似攬綿愛餘申浦樹清乞慧山泉過艇留吳芮登堂拜
薛宣井桐看翥鳳溪葉笑懸蟬坐列尚書席馳觀太子
牋只憐華省彥對客尚烹鮮

別閔衍

官舍聯吟早閒堂對酒濃汶陽歸未得安邑去何從過

市偕仙尉尋山到麗農青裙縫薜荔錦柙繡芙蓉日下
迴鳴霍天邊老臥龍別君淮蔡路愁思轉重重

送夏明府之任西和

結綬遷龍峽除書出鳳城家人留傳去縣吏到門迎
遶郭春田圻前關曙鼓鳴彈琴邀子賤酌酒送淵明
餉婦攀車輒翔禽擁旆旌橫雲飛鳥過就道典衣行
隴水天邊杳淮山雪後晴未昏官堠靜到日印床成
亭下辭孫楚筵前醉禰衡秦州回首處應看柳條生

呈郡別駕張公

寵命銜方國雄詞播海溟人間推別乘天上見張星
驥足方行地龍門恍建瓴題名來鑑曲載酒過蘭亭
畫戟朝看下嚴關夜不扃銅符分作瑞玉海著成經攬德同
威鳳希光及暗螢萬間垂棟宇一道倚屏篁赤日堪藏
簡黃絲待勒銘錢投江水白案繞郡山青廳統多聞望
王祥富典刑大臣親吏事強半在僉廳

沈棻明府治西平有名欲往從之不果值予南

還以縑紵見貽因寄并謝一十二韻

每念郎官重因思陶令賢
長人唯省事出宰已多年
舍樹平鄉訟收茅作稅錢
香分藥社酒清聽武城絃
鼓角弛亭下兒童戲縣前
閒看飛雉過病藉落花眠
君治雒淮服吾行去楚天
將尋青草渡願賦木瓜篇
望去雲山隔貽來縑紵鮮
感深螺翅澤思殺潏陽田
故國鱸方美高枝鳥自遷
他時稱八友應附隱侯傳

奉題孫藩處士卷子

偃臥方遵渚風流似過江家居推第五國士竟無雙草
際藏珠匱花前啟玉缸千秋垂卷軸三十棄旌旌履宦
兄如渾其兄為孫
沂水使君躬耕人姓龐學成王佐器何必待為
邦

郡太守平寇有贈

畫戟開中府朱旗展外隍威行三郡孽兵勵九秋霜杲
日橫江浦妖星隱豎陽牙官環綵幕田馬耀金裝露冕
專師祭單車典教場股肱營地遠黼黻陣雲長虎翼交

鸞彩魚鱗擁雁行
紅巾朝授幘斗米
夜舂糧東海依滄
薛西堂紀頽黃干
城真足寄慎固在
封疆

大敬宅牡丹

江上棲賢里城南
處士家春風三月
雨晚日一欄花覆
地垂枝重當堦散
影斜叢苞含粉絮
卷蘂感衣紗葉潤
沾黃蝶臺空落紫
霞早涼丹蒂合晝
煖碧油遮清興同
欣賞閒情任麗華
誰言招隱地定為
詠薰葭

少與包二秉德蔡
五十一仲光沈七
禹錫為鄉

遊道古論文視若兄弟今包二死十四年沈
七死十八年矣獨蔡五十一與予居人間世
予又瀕死道路曩時交游文章悉亡兵灾憶
包二尚存集數卷未行世予泊舟餘干城下
為賦此詩

向呂游河內陶劉散澤濱十年生死路萬里去來人抱
痛同沽酒虛懷薦負新繁花孤館暮宿草隔江春司馬
無書上黔婁到死貧一吟懷舊賦涕泗滿青蘋

亡劍篇哭姜坦并序

姜公子珪買兩劍牝牡以一佩弟坦比神物也予出游公子珪攜寶刀并一西入晉陽坦年少為天帝召去悲乎哉莫邪安在耶予傷公子之死有似亡劍二月初九日泊舟南昌府豐城城下感華事即傷公子之佩一劍以死亡鐵英也著亡劍篇

越國有神物干將與莫邪霜鋒飛毳羽寶鍔泛蓮花龜縵爭三楚龍阿聚一家陰陽分日月水陸斷蛟蛇坐見

飄揚近行隨拂拭加百年開地氣一劍失天涯薛燭臨
鑪慟風胡抱器嗟鐵英傷魍魎玉柙掩泥沙漁父江流
遠徐君墓木賒清霄思蜒蜿終夜哭蒹葭函石銷牛斗
溪銅涸若耶豐城投泊裏何處問張華

閨中春曉得量字

有叙

壚婦早起忖夜所縫衣有裁衣句揀唐試題成之耳
五夜金微塞三春玉洞房梁間飛宿燕花下理朝粧拋
瑟方收拾裁衣再忖量星芒銷太白日影射流黃昨歲

收疎勒今年徒樂浪早行知漸近切勿誦東光

賦得起晚誦經遲

謝小尼師也

西院女沙彌春眠曙不知聽迷傳板候起失誦經期慢
捲身還倚壇深步懶移漱脣看上日開卷立多時記慢
成篇少心慵下字遲偶然思夜夢坐弄念珠兒

賦得烏散餘花落聯句

暝鳥分飛後

張杉

春園返炤初枝空搖未定

姓

花落漸無

餘散毳連英下

杉

零紅逐翅虛喧停飄去靜

姓

踏久墜

來徐點絮曾銜雀杉鋪鱗似鱸魚芳華誰不惜姓流盼

轉跣踏杉

空梁落燕泥聯句

翠幕辭春燕張雕梁墜宿泥罇花長不掃姓文杏舊曾

棲草腐懸絲細杉塵銜剩點迷墮看銀豆碎姓行污繡

裙低故國盧家女杉空房竇氏妻雙飛何日返姓夫壻

在遼西杉

杜陵杜杜若會宴駱明府別業

杜曲舊名家相逢在若耶風生欄外馬水濯劍頭花翠
幕看紅藥金尊泛紫霞春遲三月暮日落半輪斜澤畔
吟陶令丘中戀子嗟醉歸應秉燭莫問早棲鴉

同施參藩王使君溫別駕張司刑屈明府暨諸
公游慧力寺

幕府乘春出琳宮攬勝遙山川開法地賓從滿僧寮
馬同獅舞珠幡夾旆搖樓臺橫碧嶂歌管遏青霄瑞竹
籠烟靄仙芝似火燒築亭依壠樹瘞鶴表山椒

寺山名
瑞筠後

更名紫芝菴亭是日剡映銜林日江流別浦潮霞翻紅
施公瘞癘亭側樹銘

隔塢花落碧垂條
嬌鳥從人語飛絲
接地颺道心來對
境慧力想前朝
洛下追游淺人間
歲月銷蓮生棲竟晚
草長隱誰招
遁室陪殷史
他鄉寓鮑昭
雲深歸路杳
還上使君橈

宿雲門廣孝寺呈三公與南士分得灰字

東晉標靈刹
西王豎法臺
山環雙樹入
門傍五雲開
丹檻連峰落
清溪逐路迴
竹房懷舊蹟
蓮葉得新栽
林下

尋支遁橋邊遇辯才安禪聞不住妙義見如來石乳傳
甘露金堂認劫灰晚風吹擊鉢秋月濯浮杯佛課稱三
寶吾生賦七哀離家還楚豫入社羨宗雷五術超凡諦
諸緣盡聖財鑪烟分渺漫燈影共徘徊齋椀擊黃葛經
筵坐綠苔宵深鐘磬寂相對果悠哉

題宿道林山寺兼贈離上人

紺殿開丹壑金臺敞碧梯人來支遁室虎界遠公溪雙
樹晴林迴三天曉閣齊龕花閑鳥雀旂影掛虹霓峻澗

盤檐曲明河到地低心迴空磴外目極大江西講啟祥
龍下神藏怖鴿棲香壇縈白氣佛壁畫青泥鐘動飛龜
組經馱散馬蹄雁王留寶塔魔女墜珠筭九品分華藏
諸門斷壁題付衣聯杼柚掬水咒閣黎入夜迴廊靜尋
春出洞迷道場雲寂寂仙嶂草萋萋蓮葉擎獅子松苗
養麝臍鉗深闕貝粟紗暗罩玻瓈方井規裁袖橫梁欵
杖藜凋玉供石飯甘露洗山蓋玄義非關解黃拈欲止
啼殷源籤未下願得叩招提

途中喜從丁儀曹得周侍郎亮工分藩覆書感

紀成篇

尺素來千里雙金授八行丹雲披海郭白雁度江鄉置
驛丁儀部裁書周侍郎高函分四庫妙牘並諸王起草
連鈎軸安花押篆牀懷人從漢隴譽我過齊梁地隔彤
駒馭天高朱雀桁吳臺空繫練蔡澤未持梁羈客逢殷
羨司農念鄭莊三年懷袖裏漫滅可能忘

奉送姜侍御起復歸臺

漢制優方進蒼生望謝公直情完讀禮移孝可成忠棄
繡踰鑽柳含毫似轉蓬思親淄水縣釋服竟陵宮拔棘
應驅豸無廬合避驄思沾春草綠淚減暮花紅卜子推
琴縵山濤擲土籠巡天看擊隼獵地待非熊持斧三臺
厲鳴鞭一道通星軺回薊北祖輶遍江東轡攬鄉關外
詩題驛路中後車隨澤豹下客速梁鴻自分漂流苦難
追行步工送程攀細柳書刺摘新桐已見徵桓傳無須
憂阿戎公還多廟建我輩且途窮鷓發逢春雨烏飛逐

曉風長安應近日從此望瞳矐

山樓對雨同南士桐音暨姜生兆熊得絲字

黃菊濕東籬高樓對酒卮窮交來魏相賢主是姜維慢
捲侵寒早林深入午遲重陰垂埤垠細雨亂罌罍合坐
秋霖唱遙山夏后祠登臨愁思起時繞玉壺絲

罌曰楚詞網戶朱紱即罌罍也城闕俱有之見
考工記舊誤註作屏遂有疑宮殿獨用非也

秋晚新晴登桐音山樓飲宿聯句

高閣快登臨

杜

憑欄敞積陰斷雲歸遠岫

張

斜日漏疎

林近郭驅沙馬

牲

橫塘散水禽山青絲霧斂

姜兆

砌紫

繡苔侵濕竹流寒碧

杉

叢花簇碎金牕晴光卷帙

牲

絃

燥急鳴琴鑑水浮霞動

兆

宜城待月斟暗催雙樹蠹

杉

響起萬家碁避俗迴青眼

牲

論文愜素心趨庭慚孔鯉

兆開觀啟劉歆養澤成元豹

杉

耽書類白蟬逢時違北

轍

牲

待價重南琛道洽寧分席

杉

途窮賴盍簪頻年遲

好會

牲

一夕侍清吟盧葉吹笳斷

兆

蓮花下漏沉歌生

披別緒

杉

醉去理塵襟雁過秋聲杳

牲

星迴夜色深山

牀還似昔

兆熊

應共伯淮衾

杉

甬東李岷源西淵有贈

十載蓬山隔三秋桂樹前
裁留關令史又送李膺船
倒榼呼金液輕裝載玉篇
才名推虎豹家世本貂蟬
交謝填門轍貧無負郭田
幽尋豪士鍛醉共酒人眠
羽服來員嶠香壇訪竺乾
將車元季美獻紆友朋賢
遠道班荆楚清江採木蓮
行頰愁驪馬歌苦類烏鳶
爾達為廣武吾懷是謫仙
相期棲息遠分手倍悽然

贈清江屈明府

百里郎官治千秋茂宰情嚴闕雙鳥迴古縣一江清歲
課增遙服春田勸耦耕揮絃存子賤漉酒似淵明人誦
黃門賦天分都尉城綬連芳草結車碾落花行邂逅承
嘉顧周旋識令名誰言荒邑小已兆泰階平

贈張法曹

特簡出彤庭秋官一使星子房真有學張釋本明刑授
第升三策成家在一經龍媒驚廣步駿服負修翎曉日

涵冰鏡春花映玉餅神羊游外廡屈莢指當廳西倚曹
為法南行訟可聽高才分竹傳佐郡接屏篁羈旅難投
李清江偶聚萍聞聲來茂郡招飲過芝亭藉草連身碧
看山到眼青天高雲自合春去雨初零好客傾醴醪尋
仙採茯苓曠懷如可共吾欲望滄溟

集臨江黃氏園用佳字

夏雨歇山齋清樽倚樹榦丹花飛曲牖碧水上空階地
僻無常客風生動遠懷高歌殊自遣小住最為佳樓隙

雲如嶂盤中酒似淮馳箋呼趙壁謾語襍齊諧遷坐踰
龍澗新莊彷彿鹿柴誰憐黃叔度把臂在天涯

遠懷詩

織錦經營短從軍道路長懷人傷晚歲思伯怨朝陽地
隔新烽火天低古戰場閒房收鏡冷滌井墮釵涼有字
排鴻雁無書致鯉魴寒風催擣素落月射流黃蒼水稽
秦使青陵謝宋王城南秋草斷隴首暮雲翔絕塞依玄
菟空村徒白狼深閨徒有夢只解渡江湘

游仙詩

避地追遐隱登山訪列仙重門五府外方駕十洲邊蓬
島環宮闕茅君有洞天海波傾紫液石火燒丹鉛授冊
三門訣分符六甲篇雲車推曉霧羽蓋散春烟芝錄長
懸肘松喬可比肩靈童占藥好姪女勝花妍四序如三
月終朝竟百年家藏釀酒甕人佩剪刀錢華頂成閭里
淮南鑿井泉母來桃作饌虎守杏為田驅日將投杖乘
虹甫着鞭辭家憑野鶴遺世共秋蟬東望招徐福南行

挾稚川帝鄉千萬里一舉遂翩然

擬艷詩聯句

畫閣綠楊邊

張衫

東牆度日妍花明上巳候

姓

人在艷陽

天簾捲翹紅袖

商徵說

粧成壓翠鈿重奩函寶鏡

衫雙帶

結金錢遙靄籠修黛

姓

輕雲作半肩香生緹縵舉

徵說影

動步搖偏壁煖塗椒粉

衫

牕虛撲柳綿博山時起麝

姓

深院乍聞鶉凝望移雕檻

徵說

含情理素絃朱枰閑握糊

衫紅版墜鞦韆遠道思盧女

姓

離宮貯絳仙幽懷應比

玉徵皓質詎施鉛楚國愁窺宋杉陳王賦感甄最憐貽

菜日姓長憶破瓜年蕩子曾留玦徵從軍久控弦聯鑣

依勅勒杉徵曲到于闐海燕棲懸穀姓蟠螭隱甃甄王

孫歸未得徵春草又芊芊杉

坡曰楚人懸穀囊于梁
故梁名懸穀見廣州記

定交詩為胡以寧方中通堵鳳蒸

異地聯車轂雙江對酒尊班荆逢國士獻紵識公孫龍
劍蟠星斗鸞吟起谷門擔簦同汗漫戴笠自寒溫木落

求鳴鳥冰澌值化鯤舊游三俊譽端賴數君存

宛陵汪節母詩

高節標南國賢名擅北堂封碑新炤日冰鏡舊流霜兩
髦詩堪矢千秋人未亡劔羨蘋葉紫庭樹桂枝黃著誠
追鳧弋傳經貯蟹筐最憐譙國裔猶上報劉章

汪為文節譙國

公後其孫觀進士
燦孝廉遍乞詩誌

月身牟尼羅漢詩并序

西域伽毘羅國月身牟尼羅漢者跏坐大航頭夜行

從寧波歸遇姓暨從子遠公並舟自稱羅漢菩薩華
音朗然時苦蒸鬱罕風羅漢仰視言是常有風從東
南向來已果來又言月爺將有闌已果有紅闌闌月
邊且言伽毘羅國西竺國稱大西天多羅漢菩薩結
果者能驅山填海掣風雷雨騎獅象豺虎衣火蹈浪
不食生熟物即食勿禁也其不為羅漢菩薩者為王
為卿相士官民賈商其所居有金樓銀闕銅鐵瑤石
諸宮臺殿堂一由旬外望見金光明色耕畬六穀巨

米顥碩具紅黑黃白四穀稌黍薺菽無較量賈車渠
瑪瑙琳碧氈氈罽瑣伏金剛刺蜜珊瑚琉璃諸物鉛
錫赭堊桑漆麻紵各等器仗珍怪鳥獸鳳凰獅象翔
行道路有芬花異果丹青普徧一山延外便聞香氣
且多李蓮羅漢發願進中土經歷百餘國土凡一十
萬八千零里虎棲狼役踰罽賓蔥嶺經小西天回回
哈密入伊吾廬度婆息足涉流沙界朝五臺山屠去
首髮其未屠者繞華髻頂有似黃雲唐世呼菩薩鬘

矣已屠羅漢結束肩胡孫藤搯臂鑲鐵兩羈環金剛
寶念珠子三匝于頂所衣名達磨衣今所衣繡偏袒
則大都統爺所供矣懸一鏤金瓢子挹水自諸王公
卿貴人下皆有供養曾賜息椒園蒙賜金錢施與行
路與牒勿受一絲一縷隨地更易本國所居名雷音
寺其進中土時日十五歲首矣朝華二室岱所謂朝
四大名山者也岱華卑狹西域入天不可望矣今朝
海不得渡緣禁海也都統以下軍府遣兵士護渡江

設菜菓烝饌人各饗軍府所齋耳指所坐航頭曰國亦有之其道西洋淳泥者用此舟或詢羅漢菩薩到天童見今國師耶不應羅漢菩薩何耶屈右足胛上指右手拄右頤立胛上作觀世音像又屈右手從脊拽右耳環云羅漢像復大笑作梵語數千言皆不解姓曰姓請從羅漢菩薩游耳曰予識子子不識予矣再請笑曰汝不從襄陽靈炤女兒游耶終不解後撒然負藤去

佛國名天竺胡僧號跋陀百年來內地數歲見恒河鉢
有黃龍繞經無白馬馱偏衣裝七寶番語誦三摩坐向
尼拘律行為悉達多周天踰海谷踏雪上岷峨挈履隨
雲度懷甑作鏡磨但留獅守塔那用烏為窠妙羽思雕
鷲新花記曼羅趕將行地牯送去聽經鷲持咒能移物
安心便伏魔錫飛分瘡癘杯渡偃蛟鱗入世三洲遍還
鄉萬劫過中原希德士是處有檀那未示西來意仍看
東逝波神州吾欲往負杖意如何

贈蔡山人岳陽

金匱傳神術青囊揀秘書桑公池上鵲涪父漢時漁斲
藥歸林莽懸壺向市閭五金權造化九鍊到清虛杏廩
朝司虎銅盤夜罩魚橫梁依鳳堰小巷是蝸廬爾邁淳
于後吾尋華子餘膏盲符晉夢湯熨去齊墟丹訣從羅
絡黃熊快翦除橘踦三樹鶴苓破五門豬蟾杵憐長動
蛇珠媿未儲那堪司馬疾時御濟陽車

贑州周司理令樹回任舟次

上洛名材馭清江司讞船孤心懸北闕薄宦返南天好
客追梁苑移家去廩延賜錢周舉詔力學少卿篇黃鵠
憑高羽朱絲鮮曲絃初銷刑鼎日重命甫侯年郡樹崆
峒外官臺章貢前金灘留信宿皓月向誰圓

西河集卷一百五十一

欽定四庫全書

西河集卷一百五十二

翰林院檢討毛奇齡撰

排律

揚州金太守修復平山堂讌集和曹侍郎韻

東閣人何在蕪城賦未傳
每游隋苑去只愛蜀岡前
地擅江都勝堂成慶厯年
風流聞舊守登覽挹前賢
山遠平如掌牆低甫及肩
折荷分四座種柳並三眠
漸覺春

風度還看歲月遷重來送原父三過憶坡仙廣牖通樵
爨空壇傍竺乾賓閒甃社酒妓散廣陵船何幸文章牧
方從汝穎旋乘時聲籍甚懷古意悠然行部朱旂繞尋
幽錦纜牽雲樓恢佛地月俸解官錢文杏安瑀檻團花
隱梵磚龍蛇遺字古魚鳥近人憐翠甸宜圖畫紅橋度
管絃同舟攜郭泰開館得田駢我本平臺友忻觀鄴下
篇淮西三歲別江介一星躔末乘陪常晚長筵醉不先
旌麾開北府烽火阻南天良會他時少高風此地偏到

來追賦詠何似杜樊川

從湖口入彭蠡舟次登覽書事

水國秋程澹江舟曉樹涼晴霞滿溢浦破浪入浔陽碧
水葭初老青天雁正翔廬峰橫九嶂星渚並三湘擊磬
聽鐘阜懸花繡石梁閒僧太子寺神女大姑塘斷壁開
連塢流雲過近檣洲平浮茨宅瀨淺折蓮房鼓角驚殘
戍琵琶惜異鄉褰衣吹薜荔酌酒對柴桑高詠慚吳客
名山重楚疆臨流隨騁望我欲誦滄浪

行次左蠡放船出南康已來舟中寄蔡五十一
仲光姜十七廷梧張五杉并呈施湖西趙司

馬駱崇仁何奉新諸公

流浪還齊地蒼茫向楚隅何時經夏口此去是洪都鄉
信淹江雁生涯寄水鳧仲宣思故國阮氏泣窮途早歲
棲中露頻年詘負塗書曾降故將行獨後諸儒才淺人
爭忌貧貧志亦愚山其書有罪梁燕語當誅張儉將歸
塞童鴻反去吳相君真解綬浣女果捐軀走險胡全跋

昂霄尾畢逋有家憐季布易氏識陶朱讌序傾金澗詩
成博錦褕宅猶留鮑照壻欲贅淳于北顧空騏驎南行
覓湛盧浮名偕草木放跡在菰蘆彭澤宵經縣鄱陽晚
渡湖清秋涼襲袂白日醉提壺避地依五老環波洗二
孤籃輿邀粟里宮錦謝當塗每念同袍士還思舊酒徒
探書登夏穴修禊遶春蕪不見三秋艾相思兩地芩風
舳時轉側霜柳暗凋枯虛羨雲間鵠恒隨檣上烏懷人
難命駕無道但乘桴綠水愁徒涉青天想共呼高峰追

白社寒浦泣蒼梧
妄踞洪崖室
還尋卓氏壚
無端依水馬
何處憶尊鱸
去國曾捐冕
通闕不棄繻
歸裝輸陸賈
游仕愧秋胡
最恨生多劣
仍憐世善誣
涼才宜削石
暗地豈投珠
嫉翠連殘羽
推翹及棄樗
狂書焚蒯子
遺論毀潛夫
分鮮金箱秘
情甘溷廁污
張蒼三厯盡
司馬一書無
貿貿忘榮落
悠悠度曉晡
拂龜亡決策
借箸昧前圖
愁聽歌商女
驚看秀木奴
荒城頻鼓角
末技厭吹竽
抱璞思俱寂
書空手自摸
羈棲同燕雀
輾轉似蜘蛛
海

濶從浮泊天高趣遠徂留情追沅澧投老近番禺市舶
諮梁賈仙山訪貌姑遄車需載輔相瞽賴匡扶猶幸逢
知己先經宦此區刺魚跳幸舍漉酒濫軍厨免苑嘗裁
賦龍門願捧樞蕪文煩嘖嘖汎愛首區區南楚應過眼
章流久浹膚固將憑永久且復倚斯須飄蕩迴蓬藪遭
逢任轆轤時方捐苧葛節又採菜莫率曠知依棧穿林
念守株草留寒蝶栩波逐細魚濡多淚啼猿狄難行喚
鷓鴣孤懷誰告語長望起躊躇

彭蠡湖達南昌將適廬陵訪施湖西途中有寄

凡三十二韻

久念廬陵勝還為彭蠡遊湖天迴遠日山葉動高秋星
子聯迎權康郎曲上舟溪吟過粟里野泊近椒丘烟塞
拋魚罩霜籬醉酒筊風生朝解竿水冷夜添稠赭岸尋
遺堞青山榜舊郵橋看三峽雨亭瞰百花洲玉筍懷丹
牘珠泉掛碧旒檣鈴遮鴿浦旅笛傍龍湫漢將城臺迴
秦人洞壑幽峰前紅嶂合江畔綵螺浮鼓柁橫章口攜

書到石頭虛名傳白社浪跡剝烏裘鐵轆翔雲鷁干將
望斗牛故人今節度分守舊諸侯重鎮雄蠻服嚴關控
上游陳蕃推豫郡陶侃在江州但借印亭宿無需襴刺
投入吳忻見導避楚故依劉浙右曾分袂淮南值稅輒
經冬陪飲讌首夏約過求厯覽慚靈運相思負子猷因
採梅尉岫始憶庾公樓何處鳴葭鼓先將釋蒯緱榻綠
徐穉設坊定范逵留興到開仙室文成寫古流層臺閑
繡檠後幕捲青油我放同安道君廉過褚裒草堂皆有

待蠟屐計安週西上呼黃鶴南行駕紫蚪此間何路達
為我一諮諏

自南昌踰峽江入廬陵界再寄施湖西并諸幕
府四十三韻

清江猶曲泝溜水幾回沿甫入章中路旋踰峽口船回
颿知幾日看桂又經年時轉青山外朝行綠水邊周郎
雄鎮下漢尉舊城前虎踞橫洲險鸞吟舞岫聯無書藏
玉笥有驛住金川廬阜難回首洪崖未拍肩前程逾浩

渺上浦正遷延疎葉穿楓塢寒苗映蔗山秋高雲度煖
冬近日行偏宿草紅晞露平沙綠浸天石攢飛鳥毳渴
曲斂蛟涎狂渚難齊榜層灘只上牽磯封猶疊壁浪碎
恍連錢妙景紆還望忘機醒亦眠長征鄰去馬偶詠效
衰蟬逢暖衣從暎壚欹酒更煎霜棲尋蓼雀水食進槎
鱖捲簾抽蒲莞漆衾愛木棉琴聲浮浦藻劔氣解冰蓮
寂莫匡君隱昭靈屈子篇丹虛慚羽服賽起恨神絃高
德屏藩業才名幕府賢安危煩重鎮優暇卽神仙地已

成維服民猶解倒懸羣方追嘯咏我亦誦旬宣獻瑟羞
膠柱剗刀痛着鉛自當依謝尚敢曰寄劉馬寓擇郝公
舍披餘謝眺邇逢迎隨浪蕩奔走任風烟特是忘歸矢
天涯縱轉旋未知誰稅駕江畔漫流漣風急愁來雁波
澄看下鷺年華空冉冉流水自濺濺此處祠梅福吾行
媿魯連孤游標鹿豕健舉負鷹鷗汎梗憂中斷枯花憶
故妍天章徒似錦莢影笑如椽規我曾遺襪隨時悔佩
弦寧終浮玉桂逝欲採香荃洲鷺漂逾白川螺轉最圓

懷人兼寄志游泳自蒼然

投寓天衣寺謁乾公和尚同張五杉用宋之間

韻

祇苑開山峻王城入路遐層臺連萬壑到寺識三車中
藏遺金葉前人誦法華南朝傳聖果東渡守毘闍化雨
飛千界神天感六牙國王呈瑞像太子賜袈裟代草燈
彌煥巖空覺未賒十峰環處聳雙澗度來斜寶誌重飛
錫曇摩又泛槎龍潭融佛乳珠樹散天花下士行多劫

非時害有瑕周顒來不意張儉返無家翹首瞻獅象甘
心逐麀慶忍將同草辱羞復道蘭奢詎悟依孤獨居然
啟七遮隨時聽梵籟是地見恒沙蓮室仍栽竹桑門暫
獻瓜山田過夏雨林洞臥朝霞勝蹟標秦望同游在若
耶相逢留白社去住兩無涯

送蔡漢舒北游

我厭東歸轍君搖北去裝渡江梅雨暗入夏柳條長寶
帶蟾蜍白金臺駿馬黃乘時開韞積利物重干將綠草

愁南浦青雲羨帝鄉只憐流蕩久不忍上河梁

早春殘雪

麗景春偏早閒庭雪尚殘風微融地濕日薄過林寒柳絮沾還墮梨花落自乾碧流波底凍白見草頭瘢興盡山陰久吹停黍谷難陽和窮巷起應有問袁安

奉贈嚴都諫十韻

高座入文昌天官駁正郎開函勤對闥起草靜焚香翠殿春搖珮青娥曉近牀題詩留籞宿諫獵過長楊國士

稱堯闕家聲在禹航燕臺新讌會吳地舊文章別計開
南粵前身事孝王依蒲通禁鎖連葉誦齋房讓士逾劉
寔邀賓類鄭莊木門天上路誰不望倉琅

擬艷詩

東井匏瓜爛西鄰棗樹完苦心經藥塢無力度桑乾黃
鵠翻雲遠青溪得路難秦家愁織錦班氏怨裁紈莞弱
承牀薄芙蓉掩鏡殘食禾根可共結膝履嘗單白帽門
前杳烏頭樹裏寒嶢關如得返辛苦望燕丹

哭沈生功宗詩

時事有長短交情無死生同君埋草澤先我返蓬瀛
器大如顏子才高過禰衡登臨迴北顧詞賦本西京
早歲方懷策終年竟請纓人間金殿阻天上玉樓成
鵬為長沙至麟來曲阜行痛心君鳥逝轉眼我驢鳴
庭有雙親養田無一子耕桓譚多緒論朱穆但空籬
屬誌羞孫綽臨尸負子荆今朝發哀次何似武昌城

姜垓曰乎先病
中囑其弟乞西

河誌又始書西河云能如
王武子哭孫楚否故末云

送邑明府韓公櫬歸遼陽

蕭縣花齊落樟亭草正凋
櫬歸遼海月竟斷浙江潮
化鶴思華表飛魚戴石橋
桓伊哀引曲周勃泣吹簫
河北迎長旒江南賦小招
如何薤上露不與泪俱消

螢聯句

古寺見秋螢

姓

流輝映晚庭
向明還澹澹

僧成

入暗更

熒熒點亂因風轉

張衫

光疑似火停
拽來投竹路

姓

旋去

觸蓮屏拂座侵衣袂

珙

黏絲綴甌瓠散紫花底露

杉

漆

作水中星每恨臨開卷姓翻宜炤誦經上方千個白琪

後夜一林青布彩連行蠋杉微文媿負螾那堪同腐草

終歲但飄零姓

秋雨聯句

高閣雲初合姓平林雨乍齊聽來松葉上張吹滿竹橋

西窗灑當牕暗姓斜飛入戶低冰繩懸急溜杉瀑布下

回溪沾翅墻留蝶姓梳毛檻聚雞珠銜花底泣杉碧瀉

草頭泥烟斂微峰露姓湍翻故道迷斷雲斜漏日杉複

彩曲成霓濕鳥飛還住牲風蟬暗復嘶鑪開含篆獸杉

欄捲壓簾犀晚炤移梧牲秋陰間稻畦搗尊重待月

杉何事轉栖栖牲

奉贈萊陽宋公分司寧紹十韻

北極中垣啟東藩左轄開旬宣膺八命節鉞近三台漢
使分章出汾王上考來通侯符顯秩重地授雄裁繡轂
臨江澣金牙控海隈丹書懸宛委紫氣滿蓬萊廟佇巖
廊器庭輸竹箭才龍門留到陸兔苑共鄒枚朝鳳翔雲

表春風動草萎南行懷郇伯頰首重徘徊

壽李翰林母太君商夫人十六韻

大海環銀嶠遙天種白榆崧高連北斗婺彩耀東隅
仙李函闕遠生商景命殊前庭吟柳絮雅會乞蜘蛛
閱逾駟馭門闌啟豸塗

李大父為
都掌院

母儀班孟範女史郝鍾

模案舉同鸞曜堦陳繞鳳雛花塼開錦繡粉署布氍毹
舞列金閨彩籌添玉女壺漢官驚曼倩吳苑笑麻姑
萱草搖蘭渚薰風起鑑湖紱麟遺繒縷食鱠是菖蒲

端午
後初

度夜露仙人掌朝陽帝子梧畫屏懸雉第綵茵動魚須
東觀延新錄南山有令謨誰傳三祝語獻作九如圖

將遠行時賦得復堂堂曲一百二韻有杜陵蔣

生白魚潭張五城南蔡五十一夙喻我意可

寄觀

堂堂復堂堂當歌祇自傷曼聲來北部掩面似西涼折

竹吹生斡燒銅作熟簧烏鹽新世曲紅子舊時粧

紅子
一抄

作丹鄴下哀盧女閭門住秦娘佳人稱絕代有壻早專

房篋底菱花鏡江邊竹子箱堂深棲紫燕車左繫烏羊
刈葛牽蘿鳶餐魚重鯉魴青衣為烏使黃粉貯蜂糧宅
傍丹鷄井人歸朱雀航秦家多種桂蕭巷有垂楊三豔
推中婦雙綾美孟姜斑斑通玳殼扣扣致香囊聘出鳴
珂里燈纏碎錦坊渡江迎晉滕八月見吳剛夾路煎龍
腦連盃注鹿腸纖腰懸陸珮洗手進桃湯假髻如盤捧
真珠用斛量百枝分茵茵比翼坐鴛鴦獸纈葡萄錦遍
擊翡翠床金莖盛露乳玉草縮天漿帖展三花樹篝餘

五木香搜鈿裝鳥毳翦蕊落蜂芒織貝剛縈脾裁瓊似
截肪貴官彈錦瑟賤妾獻明璫蛾翅塗膏白鶯衣寫額
黃螺紋闌幃柱璣粟綴釵梁扇裹齊紈小襦閑魏尺長
拋毬花剗帽度埒紫游繮豐草迴修帶明霞絢下裳流
蘇雙宛轉絲履五文章褥合三千縫釵隨十二行金鶯
啼錦陌銅雀起清漳碾玉安重轅雕楹飾兩廂承塵浮
井藻剡土樹沙棠雲滿留裙沼風生響屨廊交歡聯屈
戍避影入清防壁帶銜多寶庭懸墜八琅牽鈴翻拒鵲

擗管叶求凰拊馬羞張敞雄雞鬪賈昌穿鍼朋押啟博
珥一鉤藏技士偷宮譜神君授禁方春花延四炷午食
近三商窈窕還京洛繁華過建康定情河內相好色汝
南王橋實垂遙岫蒲生拔野塘山螢徒熠熠溝水漸湯
湯平遠將軍去廬江小吏亡才人隨養卒嫖女背尊嫜
口苦茹成蓼顏醒酒似糖子難藏蔓草余竟處幽篁渺
目同波漫攀髯類戟張丹湖遺宓氏白芷怨娥皇束素
魚誰剖張羅鳥自翔南行饒夜露東望失朝暘寶袜拋

三暈銀河罷七襄漢宮無史妲越俗擯毛嫱巷有妃春
黍家留叔食糠服將巾藉履色以白為蒼獨鶴憎羣蹠
諸鳩嫉衆芳涼颺閒暑帔遲日冥懿筐閣下悲鸚鵡車
前泣驩驩歲華渾未駐歌豔亦何嘗勝壞全無臭裙刀
不用鋼約衿譏好楚緩髻笑迎唐鉗墜繩難續珠燒灰
易揚同心分縷結割體判珪璋鐘鼓捐傍舍蠨蛸布近
場送郎黃蘖塢辭母白雲鄉門幾留單闔舟無刺兩檣
登車思礪碌唾井顧滄浪相見中書苦驅來司馬狂徐

娘睽上郡宋玉絕東牆箔鮮同功緒釭遺四壁光杼投
機絞下器碎酒壚傍脂藥傾新甕衫構掛舊桁獻夫存
旨蓄為客煮彫墻草碧勝荷紵萱紅奪蕙纒善懷方襞
積宛步却銀鐺屐畏擊奴子衣嫌捉小郎帟維張四角
詩句讀中央頰尾游離篔元禽去頡頏棄妻疑得路卷
主痛沉湘暮雨迷神女天星墮樂娼寒房瞻顧兔側室
聽鳴蜩結綺園中柳彈箏陌上桑懷金調故隴蘓玉會
空倉黃鵠追陶寡青陵謝宋康旅葵從穀熟苦李代桃

僵鳳失生何匹熊來死可當持門行自健夾轂問難忘
去故悲搖落尋真暢杳茫絳芝紛外苑紫葷折中澹鈿
覓元妃合酥空長史觴扶搖翻北嶽妖麗入西荒羅郁
裾成霧麻姑髻有霜三神方汗漫九寡重徬徨紉結終
雙度升輪且對望采蓮逢阿子撲棗返王陽上調區遙
促中工辨苦良可憐千萬歲持此誦無疆

西河集卷一百五十二